

四庫全書

史部

欽定四庫全書

史部

江南通志卷

八十九  
九十

詳校官給事中臣丁雲錦

檢討臣德生覆勘

總校官編修臣王燕緒

校對官中書臣石鴻藻

謄錄監生臣劉宗望

欽定四庫全書

江南通志卷八十九

學校志

學宮

安慶府

安慶府儒學舊在正觀門外元末燬於兵明洪武  
初知府趙好德即山谷書院創建在府治之東正  
統中巡撫周忱知府王璜重建廟廡橋門堂齋號

舍射圃咸備成化中知府陳雲鶚撤學前藥局為  
櫺星門知府王璠繼作泮池石梁規制大備後知  
府徐傑陶煦張文錦相繼修治嘉靖十年詔增啟  
聖祠及敬一亭貯六箴碑各縣如之明末城潰舊  
制僅存十之四

國朝順治八年操撫李日芄知府王廷賓李自貞相繼  
增修康熙十一年巡撫靳輔捐俸倡修知府姚琅  
教授莊名弼各捐俸重建殿廡橋門泮宮昭代文

明坊悉復舊規

附 靳輔記

自四代之學興而辟雍之典盛享三老五更則

園橋而觀聽者以億萬計增庠序學舍則雲集而升華比者至八千士銜歟盛哉然辟雍而外厥有泮宮其在詩曰思樂泮水薄采其芹蓋儲棟梁而有英才歷代莫興焉越我

大清龍興五十八年以來擴清海內雅意右文令上御極之八載化洽政治遠人來庭爰容宗伯以舉臨

雍之典徵衍聖於闕里闡乾元於司成於是負笈搢笮觀光而疾止者薄海內外僉曰乃聖乃神乃武乃文將六五帝而四三王亦何有於漢唐以古作人之典誠莫有盛於斯者也予於辛亥秋恭承簡命來撫茲土下車之次循舊典以謁先師顧瞻廟貌有圯其容爰仰懷題亦隕其奧詢之郡守與學博則曰茲學創於洪武之紀擴大於正統之年自茲以後年遠寔弛周文衰而後蓋未能復臨觀之義云

子曰入存政舉官牆之事曷可緩乎予因首倡其義而姚守則力肩其事於是庀材鳩工先以僚屬之捐俸繼以紳士之赴義經營於壬子之冬落成於癸丑之秋凡為殿為堂為廡為門為閭為廡為墉者必堅必緻莫不煥然一新繼自今春秋養老飲射請法於其中者賢有司之事也考鐘伐鼓橫經論道於其中者嚴師長之職也歌詩習禮則古昔稱先王周旋揖讓於其中者羣弟子之業也夫道之在人猶水之在地無地而不有水則無人而不其道凡爾多士既入是禮門由是義路當念人既其道而身又在名教之中即當以天地萬物為己任以君親師友嚴立身大而敦倫明道致君澤民精而窮理盡性格致誠正高而立德立言立功以垂不朽曠而仰觀俯察叅贊以隆守待則達而在上為龔黃為卓魯為燕許事功亦本之道德微而在下或著書立說或紹先開後或輔經翼傳文

藻亦本之性功古人云通三才曰儒敷五教在寬  
是所望於師儒者惟曰既勤垣墉惟其塗墍茨既  
勤樸斷惟其塗丹葺將學於斯強誦於斯下學而  
上達亦於此泮宮而始基之矣若曰徒勒帖括以  
為羔鴈之助博一第以為身家之謀則攻其末而  
棄其本精之漓者物必竄諸士其當戒之哉姚郡  
守復進而請曰學宮成不可以無記也遂援筆而  
記其事以告來茲是役也贊其議者方伯徐國相  
觀察使佟國貞董其成者郡守姚琅協其謀者郡  
丞胡靖懷令段崑巨身其勞者學博莊名弼例得  
並書至洪武初知府趙好德創建以後及順治間  
知府李士楨重修以前其為修為建者官不一其  
人人不一其事咸有功於聖賢不可護也

十二年

改建啟聖祠於明倫堂後二十一年巡撫徐國相

率知府劉樾教授郝毓嶽訓導汪良相修治五十八年知府張楷重修啟聖祠明倫堂六十年又重修

大成殿及兩廡戟門雍正七年知府徐士林教授暉宗洵重修十一年巡撫徐本以舊崇聖祠在明倫堂後規制未協改建崇聖祠於前移明倫堂於後又重修

大成殿增建敬儀亭於戟門外左側添易籩豆銅鐘



石磬如式 附 徐本記

天下郡邑皆有學學必有廟以祀先聖先師並追崇其所

皇自出禮莫大焉我  
上中 和建極聖敬日躋緝熙光明昭格上下而尤如意

黷序

御極之

初親詣太學追封先師五代叙列配享諸賢以為

天下萬世矜式士之遊於學門者自黨庠術序而下琴瑟鐘鼓之聲登降揖讓之禮耳濡目染賢才美質知學者足以聞其心頑鈍之民亦習聞禮義知倫秩所由序矣余於壬子秋承

命撫鎮

安徽諸郡縣至之日謁文廟退坐明倫堂諸生升階揖拜講習如禮慨然以是為風化之所自起而

循視廊廡風雨薄蝕崇聖一祠居明倫堂之後規制未協夫聖人之道莫大於定名分而別等威故尊卑上下有分宮室宗廟衣服車旂有制所以立隆為極而古今莫之能損益也羅豫章曰吾聖人

之道高明廣大固非言語所能形容然而精粗初無二致為學者必明乎此然後謂之知學為政者必通乎此然後為之知政一門之建一屏之設形氣之粗而至精之理馬往而不在乎又况闢乎規制之大者乎攷崇聖之建祠自宋大中祥符間以顏曾思孟配享堂上顏路曾皙伯魚從祀兩廡以為抑父索子欲別設一室祀啟聖而以三子配迨明洪武中宋濂解縉始復起其說而後程謝諸臣相繼闡明之至正統時裴侃條奏文廟位次謂啟聖已創殿於大成殿西而顏曾思孟父皆追封公遷配啟聖殿嘉靖九年大學士張璁請於大成殿後另立一堂是崇聖一祠始居殿西而改立殿後至嘉倫而安聖靈人道之極也明倫堂為師生講習之所宜別崇聖殿後於癸丑春鳩工庀材後者前之前者後之丹楹刻栴輪奐一新凡帶楯負祀之所視廟故宜至夏之季五閱月而工始竣為

皇

猷而襄至治以應重熙累洽之風於此蓋有厚望焉乃

錫石而為之記

崇聖祠 名宦祠

鄉賢祠

各縣學同

懷寧縣儒學舊在正觀門內依仁坊元末燬於兵  
明洪武初知縣閻節徙建於忠節坊有學無廟正  
統間教諭周子葛始建

文廟正德六年提學御史黃如金易天寧寺地改建  
即今址萬厯間廟災知縣劉拱辰重建後學地為  
民居所侵天啟間推官常自裕清還舊基大加創  
建明末燬

國朝順治三年知縣賈壯重建十三年知府李士貞知  
縣周霖次第修治十八年教諭成梁建大觀閣於  
東偏康熙七年知縣馬剛教諭王雲龍重建

文廟及明倫堂二十年教諭楊渭英捐建講學堂提

學田震額曰經義堂問奇亭五十年巡撫李成龍  
知府張楷重修雍正七年教諭謝有輝添設兩廡  
從祀 先賢 先儒神位并首創祭器八年復同  
訓導文楫知縣詹宜倫謀辦樂器九年知府徐士  
林知縣李元祥捐置如制并置經書律例立印冊  
存學

桐城縣儒學舊在桐溪橋東宋元祐初知縣溫子  
謙武子春相繼建立後燬於兵明洪武初知縣翟

那海遷於縣治東南佑文坊後知縣孔希善嚴頤  
陳勉相繼修葺

國朝順治十二年知縣石朗教諭沙衍中訓導解詵重  
修康熙八年儀門櫺星門圯知縣胡必選捐俸建  
造二十二年知縣王凝命教諭王立極訓導邱五  
典重修明倫堂建存存堂雍正七年知縣倪大成  
率邑紳士捐修

正殿及堂廡

潛山縣儒學在縣治東明洪武初知縣張仁創建  
成化間知縣袁慶祥修之嘉靖後知縣高廷紳鄒  
守王玉汝先後修葺明季燬於兵

國朝順治十年知縣鄭通元教諭潘煜如李思伯重修  
十六年訓導蕭汝榮建造啓聖祠康熙九年知縣  
周克友建明倫堂十五年重修 正殿十六年教  
諭程式琦訓導王仁灝捐修儀門櫺星門十九年  
知縣劉芳輝建義學於明倫堂後五十八年知府

張楷知縣段舒捐修

聖殿濬泮池建德侔天地道冠古今二坊左建奎星樓右建文明樓雍正八年重修

太湖縣儒學在縣治西明洪武初知縣章通建弘治後知縣李承勛同知林有祿知府李遜知縣羅汝芳相繼修治明末燬於兵

國朝順治六年知縣李世治建明倫堂知縣王廷舉鄒應錫相繼加修康熙十一年知縣王崇曾訓導葉



惺心建奎星樓十六年知縣方人龍改建兩廡及  
櫺星門四十五年教諭錢源肇重修五十年建尊  
經閣講堂雍正八年知縣李賁教諭程有則重修

### 崇聖祠

宿松縣儒學在縣治東南元縣尹戴昌建明正統  
間知縣謝驥重建嗣後知縣孫衍顏敏施溥推官  
王孫昌知縣楊之屏相繼修葺

國朝順治三年知縣孟瑄重修十一年知縣孫繼文重

修康熙二年後知縣王民皞朱維高朱卷先後加  
修雍正八年知縣劉泰重修

望江縣儒學在縣治北宋季學隨縣遷江口元至

正間復故址

附

陳天民講堂記

王化自北而南修  
文學以風天下崇

儒雅以倡士氣復任役置學官帝王之道先演於  
明時聲教之暨流聞於四海由是郡邑教化之宮  
與昔比隆矣雷川縣故有學墟於兵火假宮鄰江  
元天閣闕諸賢綱維斯道前尹張公魯瞻以先聖  
遺像巍然獨存於烈燄之餘深嘆其異遂載以歸  
後元公崇爰即舊址起立覺舍行釋奠禮至元辛  
巳正室成大德丙午始建東西廡及門象士經營  
悉葺寔遠舊觀百漏器具以次咸興獨講堂則有

所未暇焉皇慶二年春天民承乏來茲使園撤舊而新之爰咨爰度鳩材徵工卜日禹構土木之費浩繁學租之入用度不足盡供前序方開宗贊議以補其不逮協力以助其不給用底厥成羣儒之功為多學介縣治北大江橫其南雷江直其東昔傳沙塞雷江口狀元從此有縣佳識語也至是一夕沙洲忽生與賢之明詔正額開先之符肇見文明之運適當為多士賀也先是田租歲入名存實亡於是始理疆畝覈欺弊邑賢大夫歷福達勢劉榮祖薄正索羅崇風化正公議奸黠欺負之徒莫逃於明鑑工既訖則學宮之制備學田之疆域復邑賢大夫俾記其事且刻田之疆域於碑陰庶幾來者有稽賢宰之美亦藉以傳遂為銘曰孔聖之道百王所宗國都郡邑孰非王宮聖道彌光大成益封春日堯李化雨文風雷江之旁翼翼宮牆有相之道歸然靈光藏修有地講讀有堂多士游歌

濟濟洋洋棟宇恢恢遠矣  
成規誰啟來者尚其葺之

元末燬於兵明洪武間

知縣徐煥重建宣德弘治間教諭陳遴張夔先後  
增擴嘉靖初同知魏文象知縣余紘更造堂齋後  
知縣朱軾孫琦楊廷薦等復葺之

國朝順治六年知縣王世寅重建明倫堂及兩廡櫺星  
門十四年知縣王澤隆教諭姚見龍更建堂祠康  
熙元年教諭談志建觀德亭修文昌閣九年訓導  
方至樸復加修葺二十一年知縣伊巖重修明倫

堂雍正四年教諭陸煥重修 正殿

徽州府

徽州府儒學唐及宋初皆在城東北隅太平興國三年知州事蘇德祥遷羅城東門內烏聊山上嘉祐四年遷於南門內熙寧中復遷烏聊山紹聖二年復遷於故址紹興間知州汪藻增建左廟右學德祐間兵廢元至元十五年復建後燬明洪武初重建堂齋廟廡橋門射圃悉備正統八年御史徐

郁命同知徐亨增新之知府孫遇畢其役成化間

提學御史陳選婁謙先後檄府修建

附莊景記

州

府學故不治蓮塘婁先生以御史奉命提學南畿  
至則嘆曰此吾朱夫子之鄉也而是學乃不治哉  
於是郡之守或莫不鼓舞振作庀材鳩工以後為  
戒而奔走執役之人亦皆晨夜展力不以倦告不  
數月而徽學大治且為南畿諸學之冠定山莊景  
誌於衆曰蓮塘之所以汲汲是學者豈止於徽哉  
將以汲汲於天下之學也夫以朱子之鄉止於徽  
則天下之學所當治者皆古聖賢之地而必孔子  
之魯孟子之鄒濂溪之春陵二程之河南以及夫  
是徽而已天下無古聖賢者其學皆不治也而可  
哉蓋曰有孔子則堯舜禹湯文武之道益大有朱  
子則濂溪二程之道益明是孔子朱子者天下斯

文之主古今學者之師而曰朱子之鄉則鄉之人  
學聖賢者庶幾可以不出其鄉而不至以為東家  
某矣夫鄉之人去其國千里見故鄉之人則必談  
笑而喜其不然者必非故鄉之人也居稠人廣坐  
之中有談聖賢人者其鄉之人必曰此豈爾所知  
哉吾知其詳吾里相近而居相接也至於學也獨  
無然乎此藏人所以必學朱子吾蓮塘之意也雖  
然朱子亦豈可以槩學哉朱子一也有古之朱子  
吾之朱子蓮塘之所以告藏人者古之朱子乎抑  
吾之朱子乎古之朱子聖賢之影響絃上之成迹  
而吾之朱子無他吾心之本體吾之朱子也吾心  
之神明吾之朱子也居吾敬以立其本窮吾理以  
致其知精以察之一以守之則吾之所以參天地  
者此吾之所以繼往聖而立人極者亦此所謂朱  
子者在我而不在古朱子之後又一朱子矣蓮塘  
不棄予每與論學况夫薇之豪傑出聖賢之鄉者

哉或曰學朱子而不學孔子何也曰以徽人言故謂之朱子朱子學孔子者學朱子乃所以學孔子也孔子者自然之朱子朱子者勉然之孔子學朱子者將止於朱子哉

弘治間知府

彭澤增創號舍嘉靖十年制增啟聖祠並建敬一亭貯六箴碑各縣如之

國朝康熙三年知府蘭一元教諭張霖重修並建尊經閣師儒等舍九年知府曹鼎望修戟門十二年知府張登舉徽寧道王緒祖重修

聖殿五十四年邑人項憲捐貲重建明倫堂兩廡及



儀門子項網畢其役雍正三年學宮前東南鄒魯  
石坊燬於暴風網子道暉又捐貲重建十年教授  
儲郁文重修 崇聖祠鄉賢祠及櫺星門各處柵  
闌邑人徐景京徐璟慶重建名宦祠十一年項道  
暉又重修 正殿尊經閣文公祠及內外墻垣甬  
道

崇聖祠 名宦祠

鄉賢祠

各縣  
學同

歛縣儒學在縣治東宋淳祐間知府謝堂始建元

初戍兵撤燬教諭呂泰初等相繼興復至大三年  
縣尹宋節葺之明初知縣張齊因故址重建正統  
間知縣高年又撤新之規制已具而前逼民居景  
泰間教諭羅鎡復購地而廣之成化間知府周正  
復加修建嘉靖末知縣謝廷傑戴東旻葉高標踵  
修

國朝順治四年知縣宋希肅重修康熙三年署縣事府  
同知聶煒知縣呂應瑞重建明倫堂十一年

聖殿祀徽寧道呂正音知府曹鼎望知縣孫繼佳教  
諭吉天助重建雍正十年教諭錢澂募修邑人徐  
景京徐璟慶捐修

文廟及兩廡明倫堂

休寧縣儒學在縣治南宋初在縣東紹興六年縣  
尉陳之茂遷於南門外之左即今地元至元大德  
間增修至正間燬明洪武間重建廟學成化六年  
同知黃用宣擴普滿寺地起明倫堂將大興學舍

而巡按費臻仍以地歸寺後提學戴珊又以寺地歸學弘治十一年都御史彭禮命知縣李華復購寺地以擴其基歷正嘉間規制大備

國朝順治八年知縣翁人龍康熙二年知縣傅維模修十七年教諭張問達訓導孫應嗣加葺後知縣廖騰燿張韜重修雍正九年邑人黃治安捐修

正殿

婺源縣儒學宋慶厯間創建於縣東

附

洪邁記

江南

俗本歸於訟欲浪受其名發源人重不幸至席鼎  
湯最沸之目縣人翰林汪公藻吏部朱公松文章  
行誼表表獨立不忍視鄉曲蒙惡聲顧而之他鄉  
紛閭閻馬諸生時相與言學宮在西邊九十五年  
突入於壞地勢黯昧者於不能摩居陰陽家流雜  
指山柳背為不韙當徙而趨新士大夫滋益多謠  
誇宜革是時乾道歲戊子令彭君烜曰嘻吾責也  
將安所易置乎曰吉莫如城東驛君曰是在部使  
者非吾實願盍請諸請之而俞且致五十萬錢侑  
費傾城大喜儒生王允恭李知己並捐其旁便近  
地倡出錢粟諸公喜趨之即其冬廟殿及藏書閣  
成亟就矣會郡守好惡異疑縣持以計科歛民書  
揭邀想章至換他健更耳目鈞許亡一詞始搆頹  
壘海聽緒成之然首議者倦矣謝工遣徒仆木撤  
瓦壘尉亦懲艾噤不敢復發口獨殿閣接棘籬中  
不敢毀望之愀然又三年後令洪君邦直至瞿然

悼前故曰二千石惟不興學縣令攬衆謀而自辦之斯尼其成安敢此即出郡錢六十萬使訖仗既萎而蘇既悽而伸民又益喜勇勸視曩時加倍有頃百室之宮成觀深廣時不畜於素過者心開目明無間處者於是雋秀士滕生恪以降百有一人介令為容遣信千八百里走贛川合詞告鄱陽洪邁曰願有以記予鄉壤與斯邑接令君又宗盟長其何辭今之學非古之塾也庠序之制既以糟粕僅存至於主敬以直內立義以方外致知格物之本窮理盡性之要正心誠意之傳綿綿延延如綫不絕曾子且死不忍一簣之姑息舉扶而易之季路臨大難正冠結纓之暇如在洙泗工尹商陽手弓而殺人掩目止御不忘有禮死生之變爭戰之急亦大矣而歸趣如此况乎從容進退灑埽寢食之間哉少成若天性習慣如自然古之人歟其天資高明後世雖不可跂及向非輔之以學問士必

不能不教民而驅使戰是謂棄民不素養士而望其必然斯謂棄士宜國家拳拳致力立學徧海內臨之官師而不容釋也嗚呼事難興而易敗今夫是役有邑子聞先部使者昇其地縣大夫慙為之而職教化者顧歷四年閱兩令始克漬於成故予詰曲登載驗其至難後之君子朝夕游於斯尚思先王之所以教古人所以行朝廷所以留意祭酒之所以急刊其春華以既秋實窮高極深暴白成就使遠近稱頌曰發源又有人若

熙寧中知縣劉

定遷縣西即今地後屢遷屢復

附

朱子藏書閣記

道之在天下其實原於天命之性而行於君臣父子兄弟夫婦朋友之間其文則出於聖人之手而在於易詩書禮樂春秋孔孟氏之籍本末相須人言相發皆不可以一旦而廢焉者也蓋天理民彝

自然之物則其大倫大法之所在固有不依文字而立者然古之聖人欲明是道於天下而棄之萬世則其精微曲折之理非托於文字亦不能以自傳也故自伏羲神農列聖繼作至於孔子之身然後所以垂世立教之具燦然大備天下後世之人自非生知之聖則必由是以窮其理然後知有所至而力行以終之固未有飽食安坐無所獻為而忽然知之兀然得之者也故傳說之告高宗曰學於古訓乃有獲而孔子之教人亦曰好古敏以求之是則君子所以為學致道之方其亦可知也已然自秦漢以來士之所求乎書者類以記誦剝源為功而不及乎窮理修身之要其過之者則遂絕學捐書相與馳騫驚乎荒虛浮誕之域蓋二者之域不同而於古人之意則胥失之矣嗚呼道之所以不明不行其不以此與婺源學宮講堂之上有屋馬榜曰藏書而未有以藏莆田林侯處知縣事始



出其所寶太常神筆石經若干卷以填之而又益  
廣市書凡千四百餘卷列度其上俾肄業者得以  
講教而誦習焉熹故邑人而客於闈茲以事歸而  
拜於其學則林侯已去而仕於朝矣學者猶指其  
書以相語感歎久之一旦遂相率而踵門謂熹盍  
記共事且曰此年以來鄉人子弟願學者衆而病  
未知所以學也子誠未忘先人之國獨不能因是  
而一言以曉之哉熹起對曰必欲記賢大夫之績  
以詔後學垂方來則有邑之先生君子在熹無所  
辱命顧父兄弟弟之言又熹之所不忍辭者其敢  
不敬而諾諸於是竊記所聞如此以告鄉人之願  
學者使知讀書求道之不可已而盡心焉以善其  
身齊其家而及於鄰達之天下溥之後世  
且以信林侯之德於無窮也是為記云

元末兵

燬明洪武初知州白謙因故址重建天順成化間

知縣張瑄韓儼相繼修繕弘治間凡再修而火知縣喬恕聶瑄先後建造嘉靖初又燬知縣曹忭拓地重建萬厯間知縣趙昌期建尊經閣

國朝順治九年知縣馬元訓導金注修葺十一年知縣張弘美教諭翟皓重修十五年府訓導吳煥然增修康熙二十六年知縣張廷元重修 正殿三十一年署縣事蔣燦重修明倫堂五十七年知縣竇

祖禹重修 大成殿

祁門縣儒學舊在縣治南宋端拱中知縣張式始  
建元移治西南即今地至正時燬於兵明洪武初  
知縣鍾友諒因故址重建永樂七年大水圮宮垣  
知縣路達修葺成化弘治間再燬再修正德中巡  
按鄜約拓地而大之嘉靖至天啟歷有修舉

國朝順治十五年知縣陳法教諭張季琪重修康熙十  
二年知縣何縉訓導周祚光重修十九年教諭吳  
人龍加葺

黟縣儒學在縣治後宋初在縣南元因之後燬於  
兵明屢加修建以地形洿下輒壞正德九年巡按  
御史吳鉞度縣西北高爽地屬知府熊桂徙建之  
歷年增葺

國朝康熙九年知縣杜弘重修十年知縣蘭佳選重修  
三十年知縣曹貞吉修 正殿及明倫堂雍正八  
年教諭林燾訓導丁燧修兩廡

績溪縣儒學宋在縣治東元初廢為軍營乃遷於

縣治西即今地明洪武五年知縣蔡美增建明倫堂兩廡櫺星門射圃悉備正統十三年知府孫遇以學基狹隘購地增修成化間同知黃用宣改建明倫堂正德間知府熊桂教諭教越更新之嘉靖三十九年知縣林應雷重構浴沂亭

國朝順治八年知縣郭世維修十五年知縣李之鞞重修康熙十年知縣劉滋加葺雍正八年教諭湯顯忠重修大成殿及明倫堂

寧國府

寧國府儒學在府治東南舊在府治東宋崇寧間  
知府李彥卿移於城內建炎三年仍復舊址紹興  
十年知府汪伯彥更徙而東面文脊峯淳熙嘉定  
間歷加修葺元總管陳大中改建後燬於兵明洪  
武初知府黃榮祖徙建今地正統中知府袁旭撤  
而新之明倫堂東西分列四齋廟廡橋門諸制悉  
備復造學門於廟東御書樓於堂北嘉靖十年制

增啟聖祠並建敬一亭貯六箴碑各縣如之萬厯  
後知府陳俊李國觀蕭良譽金勵相繼修葺崇禎  
時知府黃夢松重建明倫堂知府周光夏重建

### 大成殿

國朝順治六年知府管起鳳重修康熙九年知府莊泰  
弘大加修葺十九年知府王國柱又捐俸修理教  
授徐馮訓導姚士重董其事

### 崇聖祠

名宦祠

鄉賢祠

各縣  
學同

宣城縣儒學在府治西南舊在城東南明洪武間  
知縣王文質徙建泰和門內後知縣邢知遠又改  
建縣治西宣德間知縣蕭吉重修正統七年知府  
袁旭遷建今地嘉靖二十六年知縣蕭綸重建

國朝順治間知縣陳正中王同春相繼修葺康熙十二  
年廟圯十六年知府莊泰弘知縣李文敏教諭徐  
化民募修 正殿其工未竟二十一年知縣袁朝  
選教諭陸志遇訓導錢邦達各捐俸助成之



南陵縣儒學在縣治東即崇教寺舊址初在縣治  
南宋紹興間遷縣東南元季燬明洪武四年知縣  
甘潤教諭劉子潛重建嘉靖四十年改移縣東未  
及修葺四十四年知府羅汝芳知縣邵永春終其  
事萬曆四年知縣林鳴盛復加修葺增建尊經閣  
及號舍十一年知縣沈堯中移

聖廟於南四大崇禎間知縣杜繩甲重建明倫堂

國朝順治十年知縣楊必達重修康熙十八年知縣屈

升瀛教諭顧芳菁訓導張翥建 大成坊二十一

年知縣杜源教諭顧芳菁訓導徐鍾麟重修尊經閣雍正三年知縣宋廷佐教諭章克長訓導童昊重建邑人劉沆輩董其成規制一新

涇縣儒學在縣治北即大安寺故址初在縣南南唐保大四年推官吳光輔創建宋咸平中圯於水既重建又燬於兵淳熙中知縣江行中徙建今地元至元間圯僧據其地縣尹施正大教諭賀桂孫

力復之尋燬於兵明永樂間知縣薛蕙重建正統  
初知府袁旭增葺之明末燬於兵

國朝順治六年教諭施化遠募修康熙十八年知縣鄧  
琪棻捐修明倫堂二十二年知縣蔣雲翼教諭楊  
言書訓導汪濛重建 正殿四十三年知縣孔毓  
培訓導姚光俊重建明倫堂貢生趙濬重建啟聖  
祠

寧國縣儒學在縣西門外初在縣東南宋紹興間

徙東門外明洪武十五年知縣鄭承事改建今地  
正統間知府袁旭知縣劉清增拓之弘治間知縣  
孫珍徙明倫堂於

聖殿西嘉靖中知縣沙奇訓導樊玘作泮池

國朝康熙十八年知縣馬光建尊經閣二十年知縣陳  
王策捐俸重修四十八年郡同知郭威釗署縣事  
捐俸增修

旌德縣儒學舊在縣東尉廨宋崇寧初知縣嚴適

建宣和間燬紹興中知縣趙伯傑徙建東十步元  
因之至正末燬明洪武三年知縣朱鐸重建嘉靖  
間知縣柳應陽稍徙而北後知縣李調元建文昌  
閣於學東萬厯間知縣秦文捷大加增建天啟間  
教諭周民改泮池於櫺星門外

國朝順治二年廟宇盡圯徽寧道張文衡教諭吳邦俊  
倡修建明倫堂於舊址八年徽寧道袁仲魁捐俸  
建兩廡及儀門月臺十年兵備道孫登第申偉抱

知縣周一熊相繼繕修康熙四十一年督學張泰  
交允邑紳士請遷學宮於縣治西重建大成殿  
門堂齋廡規制俱備

太平縣儒學在縣治東南初在縣治西宋嘉祐中  
知縣孫覺徙建今地元至正間重建明洪武三年  
知縣李簡修正統間提學彭勗命知縣張珪增建  
後又拓而新之正德間知縣楊良臣復拓前基易  
櫺星門以石嘉靖中圮教諭王佳士改建明倫堂

鑿泮池天啟間漸圯教諭龔立本重修

國朝順治五年教諭虞敬募造泮池石橋修明倫堂康熙二年知縣陳恭教諭袁澄訓導董雲申加葺二十年知縣王璘因宮牆隘狹市地拓垣廣舊址十之七雍正二年知縣陳永宗重修

### 池州府

池州府儒學在府治西北舊在城東南隅

附唐韋

表徵池州夫子廟麟臺碑銘

二儀即閔三象乃垂聖道埋斃人心不開

上無文武下有定哀吁嗟麟兮孰為來哉周雖不  
網孔實嗣聖詩書既刪禮樂大定勸善懲惡姦邪  
乃正吁嗟麟兮克昭符命聖與時合化行位尊苟  
或乖戾身窮道存於昭魯邑棲依孔門吁嗟麟兮  
孰知其仁運極數殘德至時否楚國寔廣秦封蓋  
多牆仞迫阨崎嶇闕里吁嗟麟兮靡有攸止世治  
則麟世亂則麋出非其時麋鹿同羣孔不自聖麟  
不自祥吁嗟麟兮天何所亡按此碑載山東通

志而唐詩紀事所錄  
特加以池州二字

宋開寶初知府成昉移建於

城西北至和間知府吳仲復仍移建於東南後陳  
稍周應龍葉凱王伯大相繼修之元燬於兵明洪  
武三年知府孫炎重建正統初知府葉恩加修成



化初知府李宏重造明倫堂四齋兩廡戟門石柱  
泮池橋弘治末知府陳良器祁司員何紹正相繼  
修葺嘉靖十年制增啟聖祠並建敬一亭貯六箴  
碑各縣如之然其地卑濕夏澇江漲水迫學宮隆  
慶元年知府尹士龍遷於今地後知府馮叔吉落  
成之

國朝順治七年知府梁應元修康熙十六年知府喻成

龍重修

附

張英記

池北隅廟祀夫子宮牆多士者  
蓋已二百餘年土木之工不三

十年而輒毀以故旋圮旋葺前賢之官於此地者  
各興有勞勩載在冊書不容泯滅而要未有若金  
州喻公今日建學之盛也何則今之時亦大異於  
昔之時也期會簿書日不暇給非若向之從容就  
理也職字雖具然不闕乎六計無操約以程也而  
且軍興旁午兵吏多以峙具交芻勛勞鞅掌非若  
向之時乘農隙百廢具修也無怪乎郡若邑多委  
謝後來而自視蓬廬然矣喻公獨謂今

天子右文至意正以學宮為人心根本之地余亦體  
上意盡心焉已耳是以良畫夙具斷不道謀竭力捐俸錢

而外更有事於募助今六邑之有力者助之貲而  
財可勝任矣竊鑿各插蒞路巧埽聚百工非有專  
官不能朝視而幕款也於是遠府幕及吏胥之能  
者視作登記識志備載而力可勝任矣物力有餘  
故經費無運撓趨作無怠斡自丁巳冬月經始至  
戊午六月為天子廟如制上可建三大旗下可容

千餘人蓋堂堂馬可以憑鬼神廡下周還真美兩  
兩如翼若啟聖祠若明倫堂文昌祠皆次第修舉  
不遺餘力戟門外竅地為泮水其外為一坊顏之  
曰泮宮公親書之英曰喻公知為政夫士民之秀  
也規其地宜則易化示之象儀則易從昔大翁治  
蜀以教化而蜀中諸士比於鄒魯之鄉一時有長  
卿淵雲之屬蔚起馬宗澤官龍游興庠序延師儒  
而擢科者相繼彼其民皆未知學也矧公乘昌期  
視形勝而臨訓誨之有不追美於曩日也哉夫端  
以科目期人才固非教者之至意顧士不由之無  
由自見如靖難之陳公黃公皆是也余聞公於兩  
公祠宇皆加意營造公之所以勗池人士者深矣  
僅科名云爾乎哉或曰學之役不自公為郡始也  
公以建德令遷監郡即謀之於前太守周公伯六  
邑之令長而身任其事公之功懋哉余曰唯唯於  
時學博吳門陸君德元京口包君斌屬余同籍章

孝廉書以屬子  
子乃為之記

崇聖祠

名宦祠

鄉賢祠

各縣  
學同

貴池縣儒學在府治西明洪武三年建學於縣治

東弘治十三年知府祁司員遷於黃狀元觀故宅

即今址萬曆間推官李養冲知縣蕭繼美相繼修

治

國朝順治十二年知縣李愈昌修康熙十八年知縣劉

光美重修二十一年知縣羅鎔教諭錢塈訓導宗

觀捐修二十四年同知周疆大修

青陽縣儒學在縣治東南舊在縣西宋隆興二年  
知縣楊元秉遷縣治東南元大德間縣尹吳廷輔  
遷縣治西明洪武七年知縣張文昱復遷東南故  
址即今地成化間知縣王政重修弘治末知縣錢  
瓚重修萬曆中重修徐鳴皋有記

國朝順治十三年知縣楊夢鯉重修康熙二十一年知  
府喻成龍增修四十七年知縣張容重修雍正十

年邑人增修

銅陵縣儒學在縣治東舊在縣治西宋淳熙中知縣林捐遷於縣治東元末燬於兵明洪武初知縣時守道重建復圯宣德七年邑人余志貴等修之正德十年知府何紹正復遷於縣西舊址嘉靖十七年知縣周納仍遷於東舊址明末燬

國朝順治間知縣蔣應仔劉曰義裴國熙相繼修葺康熙十八年邑人余繼益合族捐貲重建

聖廟

石埭縣儒學在縣西門外舊在縣南門外元末燬  
明洪武三年知縣陳霖始建後知縣尹安績成之  
嘉靖十六年知縣潘大綸移建今地萬厯後屢圮  
屢葺

國朝順治間知縣高駿升王太初相繼重修康熙八年  
知縣姚子莊訓導周體元重修

文廟造尊經閣

建德縣儒學在縣治西北舊在縣治東宋嘉定間  
知縣吳淵移建於此明因之自宣德至正德間知

縣吳楨測賢教諭李淮皆重修

附汪偉記

監察御史吳公

奉命巡南畿詣郡甲戌冬又十一月六日按節於  
池之建德再閱日謁先聖於文廟已登明倫堂坐  
諸生執經以次講已起觀射諸生攝弓矢耦並射  
已乃周覽棟宇顧瞻後前還坐於堂進師生而言  
曰茲學敝甚不修何以稱育賢之典且吾觀堂東  
地最勝今所建處偏而後虛殆首事者之不審乎  
不改為何以發山川之奇教諭李淮對曰此淮之  
夙心也非直淮也邑之士暨凡莅於茲者咸病之  
顧力弗贍耳君乃令會一堂兩齋及門之費凡若  
干先勸邑中好義者捐貲以助得百金錄繼出行



臺贖刑之金又二百餘乃掄材鳩工卜日興事益  
市鄰堂民居隙地以廣基議既定乃撤其故作之  
去舊堂十大許後枕象山之雄前挹玉峯之秀四  
閱月而堂齋暨門告成地勝材良頓易舊觀民不  
知勞如神之輸諸生朝揖於堂而退修於齋中雍  
雍于于心目為舒皆充然若有得也於是教諭淮  
其事本末走南雍請記且曰願一言為吾士告予  
作而歎曰盛哉茲舉也觀諸此可以知為學矣夫  
聖人之道本自中正而光明其偏邪晦蝕非道之  
弊也為道者之過也昧者不知習而安焉者有矣  
其知而不能改改而不能大有所振拔皆過也不  
猶茲堂之舊乎一旦翻然覺悟舍其舊而新是圖  
以趨於中正光明之域回視向之所處始惕然而  
懼報然以懃不猶茲堂之今日乎矧士之為學不  
費材力方寸轉移之間而得失相懸奚啻千里又  
有易於堂之為者亦何憚而久不為此也諸士觀

茲堂之成既有所感發矣當蓋堅乃志廟乃行動以聖賢為標準以修諸身而達諸政俾國家收多士之效鄉邑有多賢之稱推原厥功知有所歸庶幾不負諸君子惓惓之心也君名猷字肅威江西臨川人承委而協力相其成者郡守何侯詔正節推王用賢邑令周希默及教諭李淮也好義者邑民路鎮徐學童養觀也文廟仍其舊前此興修自有記茲不及云

崇禎四年知縣

楊錫璜改建於西門外

國朝康熙元年知縣高寅復移建城內舊址屢圯屢修四十八年通判署縣事胡開京重修

東流縣儒學在縣治東宋初建學在縣東北元貞

元中縣尹袁裕擴之後燬於兵明洪武初縣丞祝文貴移建於縣治東即今地成化中知縣蕭珮改建於縣治東北崇禎間燬

國朝順治間知縣鄧繼球蘇宏謨復移建於縣東故址康熙十五年知縣侯之桓重葺二十二年署縣事同知周疆重修並造學舍六十一年士民募捐移建於縣左

附周疆記

方今海宇昇平

聖天子敦崇文教銳意振興屬在庶寮承流宣化詎敢墮越以自外余佐治池陽甫至見池之文物衣冠彬彬

彬郁郁而兩序蔚麗書院崇宏知非有主持風教者以作興鼓舞於其間曷克臻此今年癸亥夏五月奉檄視篆東流恭謁文廟投講畢周視殿廊牆廡草創規模缺然有待爰與學博洪子景行倡捐修葺之紳衿者舊亦樂為附圖度諮謀凡廢者舉之剝者補之以期周備於是由正殿以及啟聖祠向之鞠為茂草者為之設立園墉澗苑苑砌僊者鉅者悉易去正配各主俱全碧馬余視事未兩月而經營區畫工役爭趨一望橋門朱炳丹煥坊表聯額各如制煌煌然幸改舊觀矣夫三代以來司樂司成專主教事周禮始並屬之黨正州長即今之牧民長吏也是為政即以是為教厥後政教判然士君子稱先則古未嘗不思想位行道及出身加民征賦雜其耳目刑賞搖其心志案牘交乘誇飾吏治以教民為己任者幾人哉或曰孔子之道夫人而具之讀其書以法其行固有在此而不

朝

廷

雲

漢

天

章

之

盛

者

又

豈

可

量

也

哉

宋

儒

業

適

曰

儒

術

破

行

立

名

出

而

經

邦

弘

化

以

副

忠

信

之

原

則

人

心

因

之

以

正

學

術

由

之

以

成

處

而

矣

封

越

儼

然

美

牆

如

見

相

與

警

心

觸

目

以

培

養

夫

在

彼

者

徒

崇

廟

貌

何

為

乎

雖

然

入

廟

思

敬

古

誌

之

不

進

天

下

無

正

學

師

道

不

立

天

下

無

善

人

相

得

益

彰

余

更

於

洪

子

不

無

厚

望

云

## 太平府

太平府儒學在府治西宋治平中遷于城東南

附

王安石記

太平州新學在子城東南治平三年司農少卿建安李侯仲卿所作侯之為州

也寬而有制靜而有謀故不大罰戮而州既治於是百姓相勸出錢造侯之庭願興學以稱侯意侯

為相地遷之為屋若干間為防環之以待水患而為田若干頃以食學者自門狙堂闔壯麗密而所以祭養之器備具蓋往來之人皆莫知其經始而特見其成既成矣侯罷去州人善侯無窮也乃來求文以識其時嗟乎學之不可以己也久矣世之為吏者或不足以知此而侯知以為先又能不費財傷民而使其自勸以成之豈不賢哉然世之為士者知學矣而或不知所以學故予於其求文而因以告焉蓋繼道莫如善守善莫如仁仁之施自父子始積善充之以至於聖而不可知者之謂神推神而上之以至於聖人之於天道此學者之所當以為事也昔之造書者實告之矣有聞於上無聞於下有見於初無見於終此道之所以散百家之所以成學者之所以弊也學乎學乎將以一天下之學者至於無弊而止遊於斯饜於斯而余說之不知則是美食逸居而已者也李侯之為是也

豈為士大夫美  
食逸居而已哉

建炎紹興間又兩遷而後定於今

址自乾道後歷元相繼修葺明洪武初以州陞為  
郡學永樂中知府徐敬更修正統七年知府楊士  
敏當塗知縣張崑撤而新之弘治嘉靖間知府徐  
節周進隆林鉞相繼葺治嘉靖十年制增啟聖祠  
建敬一亭貯六箴碑各縣如之萬厯後知府陳璧  
劉應錡余思明何士林李若訥劉正衡先後增修  
國朝順治十一年知府王以約大修康熙元年知府胡

李瀛修尊經閣十一年知府黃桂倡修教授宋驤  
董其事十九年知府楊霖又修五十五年知府李  
敏迪重修 大成殿兩廡雍正七年知府李暉教  
授蔡兆昌重修櫺星門戟門重建明倫堂文星閣  
尊經閣

崇聖祠 名宦祠

鄉賢祠

各縣  
學同

當塗縣儒學在府治東南宋紹興間郡學地先縣  
未置學元始置而未立學宮明洪武六年知縣王



俊始建地在西隅

附

孫大雅記

邑有學學有廟禮也債於兵時也債

而復興不書常也興而專美於前書乎不書懼復  
勸也謹按姑孰縣三當塗故犛劇更以事殷不遑  
暇給教弛俗窳寢為當然洪武五年永平王俊屬  
宰是邑下車之日首登進其民間學所在皆謝不  
知問左右吏吏相顧愕胎謝亦如之俊嘆曰民不  
知學焉能知方乃殲窳扶貧示以不取又示以不  
偏莽年民恬於化俊曰可矣乃召父老端笏齋服  
而令曰嘻子來前若知有父子乎乎曰有知有君臣  
乎曰有知君君臣臣父父子子所從來乎曰不知  
也俊起立以手加額曰此吾夫子之教也教猶天  
也天可忘乎吾嘗愛仰敬畏如父母神明日月雷  
霆也人不知有父母神明日月雷霆則狂愚聾替  
而已今使若等去狂愚聾替以服天子之命而尊  
聖人之教可乎眾曰諾敢不唯命於是卜吉日率

又老子弟距行春門不百武解方正位鳩工庀材  
闢地之濶溢亭深以為充爽射欽若干禮殿倫堂  
門無帶庀以次畢興終地以垣飲射以圍像先聖  
之容秩先師之位丹雘總聖坐居會藻龜然煥然  
勢密堅緻難數世封君之家有弗能侔又刻致郡  
士乃師以生之生徒坐集燕詢之聲竟日夜不輟  
更再於廟興學克集大夫士歸先聖行釋菜禮民  
環視之噴未嘗有身詔郡縣立御學置弟子員髻  
年記稱左提右挈于子而求籍人凡五十人不踰  
月之學趨解顯昂儼雅莫不知教君子謂若有相  
者矣嗚呼為之難易在人成之難易在天使為有  
不盡其難則成固不獲其易為於人若此成於天  
若彼書是以物來者宜農後字用章精敏庶勤事  
無大小誠天庖之吏畏民服學校其一也是役也  
會令之保半人學而教諭胡昭訓導劉會李炳則  
左右之里士甸仲實於子中實經營之學信在城

東門外洪武三年始改卜後知府楊士敏知縣張  
於此其地蓋宋之尉司云

嵩拓治成化初知縣韓恭重建

文廟正德初御史洗光屬知府周統重造廟門齋廡  
嘉靖初知府林鉞知縣張一厚增修萬曆二年巡  
按宋儀望始遷建今地凡明倫堂尊經閣聚奎樓  
大成坊以次修舉明末燬於兵

國朝順治四年知縣張京修其僅存者十三年兵道周  
體觀重修門堂殿宇漸復舊觀康熙十年訓導史

以徵重修 正殿十二年知縣寇明允踵成之十  
九年知縣王斗樞修兩廡戟門五十八年署知府  
張鼎募修集賢樓 崇聖祠雍正四年提學孫嘉  
淦以學租銀修明倫堂兩廡十年提學王蘭生以  
學租銀修

大成殿尊經閣

蕪湖縣儒學在縣治東南宋元符三年知縣蔡觀

建附張商英元符建學頌

莆陽蔡君製邑蕪湖才  
優職舉政成今字作新

廟學推本真儒走書求文紀厥終初乃敘而係之以頌曰宣水在東大江滔滔匪為蕪湖有邑其率江山靈氣宜爾士類不漁不鹽儒業是肄落落蔡君榮榮其大爰師爰長庶事孔勤不揭揭以鏡不翦剪以細我有詩書以誨以勵迺修斯岸迺崇斯堂邑上庠止冠國履方國冠如之何高明不息方度如之何博大以直能地能天爾性則然譬彼泉蒙其建代川爾學爾問聖師之心令君之訓長湖汪洋鱗潛羽翔蔡只君子德音不亡

歷元屢加修葺明洪武中知縣

宋彬重建明倫堂後縣丞周宗博知縣陳源崔諭

相繼葺治成化中知縣張淮置祭器附張淮置祭

器記

禮器之制尚矣籩簋以竹俎豆以木簠簋登銅以陶鼎爵尊壺之屬或以玉或以金或以

未各有其義與所宜也自遭秦滅學之後禮經殘  
缺器亦就散而先王之制度蕩然不復存矣後世  
禮圖如簋筥犧象尊與爵之形制不無可議近世  
有以陶為之者則一於瓦範銅為之者則一於銅  
而古之以竹以木以金以陶者畧無差別僅存其  
名號而已噫制度之精微雖老師宿儒猶莫知馬  
可慨也夫太祖皇帝誕膺天命大興文教制作之  
盛度越千古列聖相承益隆聖道肆我皇上尤注  
意焉詔加蓬豆增樂器尊崇之典曠古所無於戲  
盛哉成化丁酉冬十有二月朔淮來知蕪湖縣事  
越明年戊戌春二月將有事於上丁先期詣學宮  
徧閱所藏器類皆以陶而銅錫亦間用之若窳闕  
裂率不可用心竊病焉既而謀諸丞陸瑀教諭胡  
直訓導趙贊王綸欲考古今之制而新之乃走王  
生傲於南雍歷訪形制並購博古圖歸每退食之  
頃反覆詳考參以詩書之圖質以先儒之言復得

李生贊相與討論之似有得其一二其疑而不決者則質諸胡公馬如足者久之然後乃敢命工編竹為籩籩斷木為俎豆範金為鼎釜屈木為爵斗陶瓦為簠簋登銅尊壘他如盛牲有匣滌牲有桶供薦有盤盥洗有器蠟炬有臺毛血有盤秋八月上丁復有事焉籩豆靜嘉牲牲肥膾凡在祭與奔走者莫不有孚黝若有神人胥悅之意於禮敬而將之以物則以器而其器又足以感人如此則器亦大矣哉胡公欲圖其形制與目於麗牲之石以示永久且慮取或觀圖為之則敵不敵矣亦盛心也復請淮記

以弁諸首

萬曆十二年知府林一材徙建縣東

察院基址十九年知府陳璧仍徙舊地後知縣梁

應材重修加高廣焉

國朝順治四年知縣賈一奇教諭甯鳴玉重修十七年  
知縣黃裳增修康熙三十三年知縣紀統五十三  
年知縣孟光庭雍正七年知縣朱文昭踵修

繁昌縣儒學在縣治西宋慶厯間建於舊縣內 附

王安石記

莫先師先聖於學而無廟古也近世之法廟事孔子而無學古者自京師至於

鄉邑皆有學屬其民人相與學道藝其中而不可使不知其學之所自於是乎有釋菜奠幣之禮所以著其不忘然則祀先師先聖者以有學也無有學而徒廟祀孔子吾不知其說也而或者謂孔子百世師通天下州邑為之廟此其所以報且尊榮之夫聖人與天地同其德天地之大萬物無可稱



德故其祀賈而已無文也通州邑廟祀之而可以稱聖人之德乎則古之事先聖何為而不然也宋因近世之法而無能改至今天子始詔天下有州者皆得立學奠孔子其中如古之為而縣之學士滿二百人者亦得為之繁昌小邑其士少不能中律舊有孔子廟而庠下不完又其門人之像惟顏子一人而已今夏君希道太初至則修而作之且為子夏子路十人像而治其兩廡為師生之居以待縣之學者以書屬其故人臨川王安石使記其成之始夫離上之法而苟欲為古之所為者無法流於今俗而思古者不聞教之所以本又義之所去也太初是無變今之法而不失古之實其不可

以無傳也

至元燬明初重建天順元年知縣王珣徙縣

治學因徙於治東成化九年知縣林域以地僻陋

乃遷治西正德十二年提學黎鳳命知縣俞應成  
又徙於治東嘉靖四十五年推官邱浙遷今地萬

厯中知縣吳鎮重修

附焦竑記

繁昌學創於宋之慶應舊在延載鄉

縣治之南已遷東北天順初元徙縣治金峩鄉而  
學居其東成化正德間兩徙其處嘉靖丙寅府推  
官邱浙用少司徒徐公賁元之議復遷今址萬厯  
丁亥吳侯鎮東為令為意致官舍河直學宮之後  
形勢弗固采李生一恂議設河立廟河干為墩墩  
為二字以障其缺已亥春大成殿若兩廡若櫺星  
門咸大修之神棲士藪既闕且康譽髦來游以後  
為仁巖行而心遠義方殿而遊為實侯偕之於  
是一恂星進金陵屬余為記余謂三代遠已漢唐  
間立學而不以著今宋至仁宗始詔天下為廟學

而士不滿二百人者猶靳不得立國朝修禮樂尊  
儒術以文太平之功其制取近代為備繁昌小邑  
也學屢遷改必適士心而後已師帥之於是亦既  
勤矣而士之居焉者僅僅操筆為詞章以靳中有  
司之程豈國家所以造士之意哉且學之議遷起  
於士風之不振而所稱不振者非科目之弗盛而  
古道之不興也三代黨庠術序之法鄉射養老尊  
賢勸農攷藝遜言受成獻馘靡不繇學當其時士  
大夫材行完潔而事功萬偉絕非後世之可幾然  
其本曰明人倫而已人倫明則良心醇固機智不  
生然後能外成敗而自信其守故古薦紳先生抗  
志權姦乃心王室有廢綱摧抑而其操彌厲者輒  
近世敦樸之行微而險詖薄惡之習勝庶耻之道  
喪而妒賢賊善之意多何者俗流失世敗壞而孝  
弟之教衰也夫叔季賦三代如夢覺之變古法第  
廢非一日矣不知古之為教實出於人心法可亡

而人心自若也。在有志者之自立而已。繁昌故靜  
僻芬華所不至。士生其間。復多美茂之才。况得吳  
侯馬作新之。雖昔之蔽陋者。將革其蔽。風而偕之。  
大道又况乎學問之民。故余書侯之績。因及古今  
之變。與所望於士。天啟後知縣劉孔源。馮洪。攷相  
者。使歸而刺石馬。

繼修治

國朝順治十一年知縣張措重修學。前置文峯塔。康熙  
七年知縣吳升東捐募增修。後知縣李臨王廷珮  
劉育德踵修。

廬州府

廬州府儒學在府治東肇於唐會昌盛於宋咸平  
廢於紹興之兵革乾道以後帥守趙璠老翟朝宗  
重新之明宣德中同知謝庸創修正統後知府揭  
稽史儒蓋圮馬金李崧徐鈺相繼增繕門廡堂齋  
悉備並建尊經閣正德中知府龍誥重修

附明王

律記

太守下車之三日當謁文廟為禮升明倫堂  
聽講諸生率以所給習庸進之業應名以進

太守無所是非首肯曰勉之諸生各頓首謝教而  
退勤者朔望率如故事學業之成廢行履之淑慝  
漫不加省嗚呼師帥之職審如是乎哉今廬州太  
守龍公來莅郡進師生於堂而誌之曰凡我二三

子之從事於庠序者將顛顛昂昂襲於俾之光以  
擢其鄉閭乎抑舍咀齷既於詩書之腴以澤其體  
膚乎將泐認汨沒竊膳廬之入以飽其妻子乎抑  
沈浸滄涵深入聖賢之室以無忝青陽大蜀之靈  
秀乎衆皆曰不敏敢不祇命於是口授疑義問辨  
切劇有出於科舉文字之外者衆皆悅颺颺然惟  
恐不及人人自以為得所師矣乃諗於衆曰明珠  
之光不繫乎積而美積者以為珠重良工之勤不  
必於肆而居肆者以為工資廬之廟學毀圮弗葺  
非所以崇儒雅而飾至治也盍舉而新之皆從命  
於是鳩工庀材卜日而舉屬教授宋君希睿董其  
役殿廡門堂齋居號舍各以重輕先後就緒經始  
於正德辛巳秋仲明年春季告成希睿乃以書幣  
走京師而屬記於禕禕嘗被命提學河南廬與汝  
相密通公之政教稔聞之以風勵郡邑獨不知所  
以善誘於諸生者何道也夫道學之暢明敷達於

天下也久矣而奚疑於是哉特以近世學者以言語文字為煩直趨徑造為速而或病乎朱子之學為未足以發明洙泗伊洛之旨其為論說精神亦能有所感發四方之士負聰明偉特不羣之才者翕然起而宗之將以學問為咕嗶之陋遂盡暴棄而不之講也豈不悖哉律嘗考之白鹿榻間之揭皆取諸孔門遠論非考亭所創也請以是揭諸堂齋之右俾聰明偉特不羣之士有所折衷何如既末也以是訊之

嘉靖十年制增啟聖祠建敬一

亭貯六箴碑各縣如之萬曆三年知府吳道明重修增建興文樓明季燬於兵

國朝順治三年知府吳允昇重建康熙二十一年知府

薛之佐大加修葺二十二年知府杜立本畢其工  
後知府張純馬雲從姚漁陳廷綸繼修雍正五年  
知府趙向奎重修

崇聖祠 名宦祠

鄉賢祠

各州縣  
學同

合肥縣儒學在縣治東南舊在武威門外宋淳熙  
中少保郭振拓城基遷於景賢書院即今址元至  
正時重建明洪武初知府張義撤而新之永樂正  
統間踵修景泰二年災知府史濡拓地重建弘治



間知府馬金建尊經閣天啟間知府張正學知縣  
陳瑄重修明末燬於兵

國朝順治三年訓導蘇紹軾募建後知縣方象璜訓導  
宰維翰相繼修葺康熙二十一年知縣范時著捐  
修

正殿兩廡二十二年知府杜立本增修後重建明倫  
堂雍正九年知縣趙良墅重修

大成殿及兩廡

舒城縣儒學在縣治西元至正間燬明洪武初知縣員議建今地宣德末知縣劉顯楊縉孫寶雷孟冬黃誥徐成位陳魁士教諭傅敏功雷芳相繼增葺明末寇燬僅存

大成殿

國朝康熙三年知縣何朝聘捐俸倡修後知縣王朝端重建明倫堂三十九年知縣沈以拭重建

大成殿五十三年教諭徐千之捐募重修雍正七年

知縣陳守仁建 崇聖祠

廬江縣儒學舊在南門內元至正元年縣尹兀顏  
綱修建明洪武七年知縣傅鉉遷於三思橋北即  
今地洪熙元年知縣黃惠重建

大成殿天順四年知縣王慶重建明倫堂成化間知  
縣梅江劉紳相繼修建櫺星門泮池橋弘治間知  
縣胡暘重修置號舍正德嘉靖間知縣劉夢熊周  
良會劉裁先後拓地增修明季知縣張雲鷄建文

昌閣於堂後旋燬於兵

國朝順治四年知縣周迥祚草創廳事康熙六年知縣孟述乾捐貲重建

聖殿及櫺星門十六年知縣盧均天教諭李大濩募建明倫堂二十二年知縣馬光教諭王琳徵訓導丁象臨重修并建官舍四十二年知縣吳賓彥重修五十四年知縣何洪先重修雍正四年九年知縣鄔廷幽陳慶門續修慶門增置祭器樂器

無為州儒學宋皇祐間建在錦繡溪北崇寧初徙於漕臺東尋復故址元燬明洪武五年知州王奉訓重建繚以周垣宣德十三年知州王仕錫建講堂齋舍天順至萬厯間知州楊士侗辛文淵同知許用中知州洪邦光同知查志文知州趙範陳嘉賓相繼修葺

國朝順治九年知府佟國貞大修之康熙三年知州李祐之訓導曹鼎臣重修十九年兩廡將圯知州王

國輔學正史逸孫訓導何嗣和捐募修建知州張國  
貞修尊經閣三十六年知州李璋重建泮池石橋  
巢縣儒學在縣治西宋紹興間知縣江瑄創建趙  
登善踵成之元季兵燬明洪武初知縣桂廷用重

建弘治中建尊經閣

附

明陳楷記

巢縣學背之高  
邱舊為五顯廟

所據廟之棟宇雄偉壯麗俯瞰黉宮凡邑之祈禱  
佚遊者率由講堂徑入鉦鼓之聲自旦達暮大為  
弦誦之病成化丙申莆陽陳君瑞來興學心欲毀  
而力未任歲戊戌適吾慈桂君璉來歲教即毅然  
曰夫子之宮而可以妖淫清之哉斥之奚容緩耶  
與陳君協謀明年上其事於府得請撤縣亟毀之

俾以基宇歸學縣令李進膠於巫史禍福之說固  
執不可陳桂二君義形於色躬率諸生路其像而  
撤之即顏其楹曰尊經閣移御書經史於其中而  
爲綸之李令憤且志構他事以加害桂羣弟子思  
慕不忘微余記之余惟尊經以閣重道也闢邪以  
正衛道也以重道之心爲衛道之計郡邑大夫正  
當鼓舞誘掖之不暇顧乃倒戈相攻曾不知其所  
遊非聖門所讀非孔氏書乎朱子有言不能攻討  
而又倡為不必攻討之說是亂賊之徒也桂君所  
學所蘊吞徒平日所畏者不得一有所施而竟為  
奸邪所害惜哉雖然桂君死而閣存見閣猶見桂  
君也閣以載經經以載道諸生登斯閣者講焉習  
焉辨焉思焉仗道之載於經經之載於閣者皆在  
我而無餘此尊經之實也而桂君之死猶不死若  
徒以是為觀視之美誦說之  
具尊經云乎哉學者勗諸

嘉靖間改建於慈氏

寺萬厯中巡撫吳桂芳捐俸協助復建於故址後  
知縣王寧陳綸相繼修治明末傾毀

國朝順治十四年教諭魏侯聘重修康熙十一年知縣  
于覺世重修二十九年知縣楊極重修後知縣孫  
芝芳捐俸修兩廡戟門櫺星門雍正十年知縣鄒  
理教諭范正笏修

崇聖祠尊經閣

鳳陽府



鳳陽府儒學在譙樓西雲濟街明洪武十八年置  
國子監十九年改為府學景泰間知府仲閔修之  
成化間知府章銳重修規制畢備弘治十三年知  
府孟俊增繕嘉靖十年制增啟聖祠建敬一亭貯  
六箴碑各縣如之崇禎四年災六年知府徐四蔭  
重建

大成殿及堂廡齋房尊經閣名宦鄉賢祠歲久漸傾  
國朝康熙四年知府戴斌重修十八年鳳廬道孫蘭知

府耿繼志同知劉芳聲各捐俸增修教授湯原振  
董其事

崇聖祠 名宦祠

鄉賢祠

各州縣  
學同

鳳陽縣儒學舊在縣治東南明洪武初建弘治初  
知縣潘永嘉修萬曆三十年署縣事通判李光前  
開雲路玉帶水四十一年知縣萬嗣達濬泮池

國朝康熙九年戶部分司圖魯詹惟聖教諭岑兆旂捐  
貲重修二十一年知縣丁耀祖教諭項龍章訓導

張昊捐俸重建

正殿兩廡櫺星門二十五年知縣李縉改建城內縣署西偏

臨淮縣儒學舊在縣治西明洪武三年知縣樂瓚始建二十七年徙建於府學舊基宣德間主簿蕭本芳重修弘治間知府孟俊撤而新之嘉靖二十二年水災學宮盡圮六年知縣陳哲改天池宮舊址為學宮萬曆十五年知縣陳民性仍遷於縣治

西舊址二十五年知縣薛芳重修旋燬二十三年  
知縣賈應龍修葺

國朝順治六年為淮水沖沒知縣徐必進改建於曲陽  
門外書院舊址十八年署縣事同知郭顯功復遷  
正殿於崇儒坊旋遭水圮康熙九年署縣盱眙縣丞  
葛翊宸訓導尤運昌改建於聞喜門外後知縣魏  
宗衡募捐繕修二十三年知縣陳宗建教諭蘇應  
秋又改建於南門外滋德坊四十七年知縣王紘

捐俸修葺并設義學

懷遠縣儒學在縣治東南元季燬於兵明洪武三年知縣唐蔚教諭王景章即故址創建成化十七年淮水漲溢學圯移建縣治東荆山之麓正德七年提學御史黃如金知縣李豫復移建今址嘉靖間知縣徐玠任俊商承學王存敬莊祖誼相繼修葺明末傾圮

國朝順治十二年知縣傅鎮國教諭申詒芳修之康熙

十一年知縣于鴻漸訓導俞潛飛又捐修五十六年知縣劉鑑捐俸重修邑人楊大勳助修兩廡澹泮池建三橋其上雍正元年庠生宋暄於雲路前建奎星閣

定遠縣儒學舊在縣治西宋淳熙六年改建縣治東南後燬於兵明洪武三年知縣朱玉即舊址重建正統二年知縣沈安修弘治間知縣朱恭曾大有章澤相繼修葺嘉靖三十三年知府高鶴捐修

國朝順治十一年知縣高萬仞訓導談志重修康熙三  
年知縣徐杆捐俸加修二十年知縣曲震重修

### 大成殿

虹縣儒學在縣治東明洪武三年知縣樂徽建正  
統七年知縣何誠遷於察院東汴河北萬曆二十  
八年知縣任愚遷於舊址之東後知縣伍元正張  
鳳翼相繼修繕久漸圯壞

國朝康熙十二年知府章欽文知縣龔起翬捐俸增修

十六年知縣彭翼宸復修

壽州儒學唐宋並在州治東南元移州治西清淮  
坊明洪武二年知州夏侯顯修正統七年知州惠  
理重修景泰間知州王長福重修成化間知州陳  
鎰建尊經閣弘治間同知董豫闢學前地為賢路  
立泮宮坊正德間知州林僖大新之嘉靖十年知  
州粟永祿又新之後因水圯

國朝順治十二年知州李大升捐俸助修康熙十八年



學正荆拯何琴雅知州沈顯貴相繼修繕雍正十二年分設鳳臺縣以學正專理壽州學事

鳳臺縣儒學與壽州共學以壽州訓導理鳳臺學事

宿州儒學在州治東元至元十一年知州左昂建元末兵廢明洪武三年知州吳彥中即舊址重建正統初御史彭勗更新之成化間知州張黼修廟廡尊經閣建號舍及會講亭萬曆二十三年知州

崔維嶽增修明末頽壞

國朝康熙十年知州呂雲英捐修踰年竣工久漸傾圮  
五十三年攝州事同知張炯生重修

靈璧縣儒學在縣治東元至元間縣尹李良佑建  
後燬於兵明洪武二年知縣穆政因元舊址重建  
正統二年提學御史彭勗知縣呂琮增修成化後  
知縣孔彥麒陳玉陳泰交相繼修葺

國朝康熙十二年知縣馬驕重修雍正九年署縣事俞

玳修櫺星門泮池照壁左右宮牆

潁州府

潁州府儒學在府治南城內宋寶元元年蔡齊以戶部侍郎出知潁州奏請立學許之始建於西湖上厯三百四十年至明洪武十年大水學宮圯乃徙於今地正統間葺而新之成化間知州李溥重修後相繼修葺嘉靖十年制增啟聖祠建敬一亭貯六箴碑州縣俱如之

國朝順治七年知州孫可成學正朱應昇捐修康熙六年通判劉洪祚助修雍正十三年州陞為府以州學為府儒學

崇聖祠

名宦祠

鄉賢祠

各州縣學同

阜陽縣儒學與府共學以潁州復設訓導改縣學訓導

潁上縣儒學舊在壽春門外元元統二年縣尹劉居敬建元季燬於兵明洪武四年知縣車誠創建

於縣治東十八年縣丞孔克畊重修成化十年御史鄭節因學隙地拓而大之後知縣李時儀曹琦魏頌廖自顯先後修葺隆慶元年知縣郁言槩移南數十丈萬厯間知縣黃蘭芳何豸張大業相繼修之

國朝順治十年知縣鮑洪仁重修雍正八年知縣張志亨重修

大成殿及兩廡明倫堂

霍邱縣儒學在縣治東明洪武五年教諭于達創  
建宣德五年知縣嚴敬修成化間知縣蕭紳正嘉  
間邑人許誠許珠時暘余翊萬厯間知縣周珮武  
之望天啟間知縣鄧英相繼修葺

國朝順治九年知縣管杼素增修康熙二年知縣楊顯  
德重修十一年知縣姬之簋重修

亳州儒學舊在州治東唐故址也宋慶厯間節度  
使夏竦重修元至元間監郡阿里海牙增建後燬

明洪武三年知州張文弼因故基創建宣德十年  
知縣陳溫增修天順六年知縣鄧昱建

大成殿成化九年知縣王瓘建明倫堂弘治十四年  
知州王沂以縣改州恢拓其制正德十六年知州  
顏木因諸生議以學宮狹隘遷於州治西南即今  
地嘉靖二十七年知州張澗建文明坊

國朝康熙十九年知州唐協修

大成殿五十八年知州蘇灝重修雍正九年知州韓

俊重修

大成殿

太和縣儒學在縣治東南明洪武五年知縣馬良  
因元舊址重建崇禎四年教諭朱統鎮建尊經閣  
國朝康熙十年知縣陳虞化訓導汪則大重修六十一  
年知縣蔣培基重修雍正五年知縣孫蔭孫修

崇聖祠六年知縣張景謙修明倫堂九年知縣馬光  
學修



大成殿

蒙城縣儒學在縣治東明洪武四年縣丞趙麟因  
元舊址重建正統後知縣同蠡張本相繼修葺弘  
治初縣丞孟統修建戟門齋廡嘉靖十四年知縣  
王誠教諭周麟大修之萬曆十年知縣吳一鸞加  
修天啟四年知縣張從容建尊經閣

國朝順治三年知縣蔣錄楚修十年知縣田本沛教諭  
汪作霖倡募重修康熙六年同知高之章修

正殿八年知縣竹綠猗重建戟門十二年教諭黃學  
勤訓導施潛捐修兩廡移泮池於櫺星門外泮池  
南建照壁四十五年教諭梁逢吉又修

滁州

滁州儒學在州治東舊在子城內宋景祐間遷於

此元大德間重建附元吳澄記

滁州學正劉然言  
滁學在城東偏滁

水經其南宋季年安撫金之才修州城官廨修諸  
神祠亦新况子廟其時除通龜耳日有警備於多  
事之際興百役不數月俱告成率苟簡取其距今  
才四十年餘敗壞而不可支奉訓大夫徐侯守是

州潔已愛人為政期年民懷其惠士服其善視廟  
屋不修禮器不中度同列議更之一日謁廟畢憮  
然曰滁為古名郡前守多名賢以文教治民治民  
之本蓋自吾夫子出天朝崇道興學以昭化原令  
廟貌如此凡吾政人與爾學子安乎聞者莫不感  
奮輸貲効力以先市良材命良工撤其舊而改作  
侯親勸帥之經始於癸卯之夏落成於甲辰之秋  
廟四阿崇六仞有二南北五筵東西五筵兩廡崇  
三仞有五寸東十有七楹其修十筵西亦如之門  
之崇如廡深丈有四尺廣五尋有一尺東中西凡  
六扉列二十有四戟左塾之室三右塾之室三外  
三門之楹六祭器以梓以陶古制也大尊山尊著  
尊朋參之為壹尊犧與壺鈞象倍犧之數爵二十  
有九俎五十有四運豆以十計簋簠以五計皆八  
鼎洗各二篚七爵有玷籩尊有窶罍及酌尊有勺  
諸用物稱是此點所職掌而得免於瘵曠繫侯之

賜請記其事俾後有考期有嗣而修之者也。設觀  
今之蒞政者非昏墨以遂私圖則苟且以違公責  
夫孰知治之當務其知者不過精謹獄訟簿書間  
以爲能夫孰知治之有本哉。徐侯治政可稱而知  
士學爲重知聖道爲尊。知天朝敦教厲俗之意不  
可不承宣也。嗚呼賢哉。可謂知治之本矣。侯之民  
滌之士其知學之本乎。記誦以夸其贍辭章以逞  
其艷末也。必也處內處外而有孝慈恭遜廉耻忠  
信之行明於人倫日用之顯通於天道物理之微  
審於公私善利之機存其仁義禮智之心檢其氣  
血筋骸之身其靜也中其動也和周於家國天下  
之務無施而不當。退則有志有守進則有猷有爲  
庶乎其可也。若夫日講聖師之書而不真知不實  
踐於是數者無一焉。則亦剽竊訓詁涉獵文義而  
已耳。與彼記誦辭章之末何以異而宜侯之  
所望於滌之士者哉。大德八年十二月朔記

明洪

武三年增修永樂初增建廟廡堂齋橋門射圃咸  
備嘉靖十年制增啟聖祠建敬一亭貯六箴碑各  
縣如之後歷加修葺

國朝順治十八年督學王同春命知州甯鳴玉建尊經  
閣康熙二年學正尹調羹重修殿廡十六年知州  
趙清貞建

大成殿二十年又同訓導湯調鼎各捐俸建明倫堂  
奎星閣二十二年知州王錫魁修建尊經閣雍正

五年知州趙良堦又修

崇聖祠

名宦祠

鄉賢祠

各縣  
學同

全椒縣儒學舊在縣南宋崇寧間縣令王俞卜地於縣治東明洪武間重建永樂後知縣馬繼祖張碧等修之正德七年提學御史王如金以學基湫隘改卜於襄河北舊白雲庵地命知縣潘侗遷建

馬隆慶五年建尊經閣

附明王廷幹記

全椒之巖  
左隅伏而

通者城其縣樓櫓之乃益從從起堪輿家弗是利也  
僉曰左之墟可樓地濱河易於瀉非厚厥基弗

樓隆慶丁卯余邑侯翔張學諭東鐸議臺之不果  
辛未冬則嚴侯來也詣贊謁覽歎曰是不可尊經  
閣乎請之撫軍督學使者僉曰可侯於是首捐俸  
若干金而學訓顏節張滂典史郁敬暨邑中薦紳  
學彥居民莫不有映出也曰資奚手則擇耆民貯  
焉而諸生魯時行金惟精楊崇等督工旦暮以之  
計竣事凡五閱月下臺上樓棟榭修修堯堞道道  
重簷回檻枚如翼如南山左羅大河外流望者心  
竦登者神遊然而幣無銖損農無畧稽民懼而募  
工嘻而趨丁丁登登不日成之是嚴侯之績也或  
問涇川王子曰具形者偽存心者真經尊之心奚  
其閭名王子曰子謂尊經於心似也然而古之人  
奚刻之銘奚書之紳書紳刻銘存識焉耳矣夫無  
形者心也有象者物也無形者易忘有象者恒識  
也是故不有過闕里入太廟而肅然凜然者乎夫  
肅然凜然者心也至闕里太廟而後動者象觸之

也諸生之業於黌也不有觸之象而動之心者乎  
於是乎懦者過之攘臂奮與昧者過之低垂繹沈  
闡厥義名不肖者過之慚畔厥經忝爾青衿將面  
為之赤而行為之遠也若是則尊經者固尊以心  
者之銘與紳哉或問嚴侯王子曰循吏哉嚴乎何  
以知之曰以尊經閣知之夫尊經教之程也教士  
官之首也文翁之所以化蜀者用是道也故曰循  
吏哉嚴乎王子之遊淮上過椒也則茲閣之上梁  
日也侯偕王子登馬而椒士  
夫之丐王子文也德侯也

年久學圮

國朝順治六年提學李嵩陽命知縣趙鼎立重修康熙  
七年兩廡圮知縣藍學鑑重修二十一年知縣王  
作舟教諭施劄曾訓導朱紱各捐俸修葺雍正三



年知州朱爾融知縣汪兆熊修

正殿明倫堂十年知縣丁銘修

崇聖祠

來安縣儒學宋崇寧初縣令魏淵博建於縣東南隅建炎後燬元前至元三十年縣尹徐榮重建至正七年縣尹蔣居仁闢而新之元末兵燬明洪武十四年重建永樂至正德知縣徐仕祿趙禮主簿張鎧知縣王馴相繼重修嘉靖三十六年知縣魏

大用易櫺星門石柱隆慶間知縣劉正亨闢青雲  
路建青雲樓萬曆二十年教諭史載道建尊經閣  
國朝康熙二十二年知縣喬嵩教諭朱端邑紳周蔚周  
漁等重建 正殿及兩廡知州王賜魁助成之雍  
正八年知縣伍斯瓌重修

和州

和州儒學舊在橫江門外宋開禧中安撫耿與義  
重修元末燬於兵明洪武初遷州治東南隅叅軍

郭景祥知州張純誠重建永樂初吏目張良興改  
造明倫堂宣德中知州黃恕同知蘇紳董錫相繼  
修葺正德中知州孔公才建尊經閣嘉靖初知州  
易鸞成之嘉靖十年制增啟聖祠建敬一亭貯六  
箴碑縣如之後判官王朝用改遷於百福寺萬曆  
間知州郭繼芳復遷故地建文峯塔於巽方附明

焦竑記

和州古歷陽東與采石畫中流為水疆總  
江淮水陸之衝為姑孰金陵之蔽蓋南北

間一都會也峯巒綿亘雄踞西北亭亭如玉圭然  
民生其間者率剛勁而果決淳質而儉約其土風

之美如此明興高皇帝由滁陽拔和城跨有江東混一家守不五載而大業成焉迄今公若侯而下礪山帶河載於盟府者且五百餘人皆和之產也高皇帝投戈講藝轍以興學育才為先而和去京師不百里乃二百年以來學宮湫隘弗稱明天子作人至意州大夫馮侯始謀遷之先後經營未有成績歲壬辰曾侯至毅然以為己任凡百厝置務竟厥功於是故者飾闕者興士由此感奮於學不勸而力莫不曰侯之有造於我也學正李春茂訓導李一本馮三元岑東曙因相率而請記於予予惟國之建學將蓄材以待用也然而非文致太平武龔亂畧惡得為材成周以三物造士維時士於三德既已涵泳其要眇而究極其指歸迨於行誼之醇備藝術之優嫻又兼有而時出之常觀其論士慮因一出於學師行而受成反而獻馘靡不於是則為教之備可知也近世士虛實用為文者以

呻吟咕嗶自多談兵者以躍馬挽強為務其名甚  
美而試之鮮效夫三德六藝六行人心所自有而  
行之又不難顧自秦漢以下衰微繼塞空見於載  
籍之文而莫或振起者患無其志耳記曰勇敢強  
有力者天下無事則用之於禮義天下有事則用  
之於戰勝戰勝則無敵禮義則順治順治無敵此  
得士之效也國初首建義旗和之豪俊蒸蒸然勒  
竹帛而垂鴻藻亦云盛矣至於嚮所稱三物者非  
索之外也乃能黽勉於所難而不能反求其所易  
則士風之剛勁果決者無乃不善用之邪蜀至僻  
遠文翁修起學宮於成都親自飭勵至經明行修  
比於齊魯况和為首善之地得曾侯馬興作誘進  
之異日者真材輩出施澤於堂皇之上服冕指笏  
令張庶安而姦宄息必自今始矣詩曰明明魯侯  
克明其德既作泮宮淮夷攸服又曰濟濟多士克  
廣德心桓桓於征狄彼東南夫修泮宮而遽及於

服淮夷狄東南以見文德武功非二道也故予述  
國初人材之盛以屬望於多士如此曾侯名克唯  
湖廣襄陽人其善政不  
可殫書而此其一云

崇禎間燬知州左瑛復新

之

國朝順治初知州盧汝鵬擇州同知舊署益以廢衛之  
半改建新學後復傾頽康熙中知州夏偉倡修學  
正羊世澤董其成

崇聖祠 名宦祠

鄉賢祠

縣學同

舍山縣儒學舊在崇儒坊東宋崇寧初始建元至

正初縣尹榮克讓重修後燬於兵明洪武十四年  
知縣王均美因舊基重建成化間邑民朱清捐葺  
之嘉靖二十八年知縣葉繼善以城南安國寺基  
可建學遂遷焉萬厯元年袁伯鑰修葺崇禎間燬  
知縣朱多鯤重修建之

國朝順治十三年知縣黃鶴捐募重修康熙二年知縣  
范貞昂新葺經閣四十九年邑人募修 正殿五  
十一年邑人陶颺捐修啟聖祠雍正六年邑人張

覺斯張同重塲

正殿七年邑人唐紘等重修學後圍牆

廣德州

廣德州儒學宋天聖中司理范仲淹建於州治北  
治平中錢公輔遷於州東南隅即今地後燬於兵  
紹興初知廣德軍洪興祖重葺元時知廣德路僕  
文質擴而新之明洪武二年同知趙有慶重建廟  
廡堂齋咸備永樂九年知州楊瀚廓舊址鑿學河



成化十年知州周瑛遷明倫堂築萬桂山弘治二  
年知州辛禮易民田為學河嘉靖十年制增啟聖  
祠建敬一亭貯六箴碑縣如之萬曆十五年知州  
陸長庚增鑿河之南繚垣曲檻後知州段猷顯徧  
植桃李於上

國朝順治七年操撫李日升兵備道袁仲魁捐俸重修  
至十一年學正黃如馨訓導凌質竣工康熙六年  
知州楊苞重修學正荆振董其事

崇聖祠 名宦祠

鄉賢祠

縣學同

建平縣儒學舊在縣東門外河堤北岸宋初屢經  
兵燹後圮於水淳熙初縣尉趙善興重建元大德  
間燬明洪武間知縣宋禮重建正統時知縣李觀  
修葺弘治時堤決學廢正德間署縣判官况照重  
修嘉靖末圮知縣林應彩遷於縣東南後知縣鍾  
振增葺之萬曆二十六年知縣朱之楫復遷堤北  
原所未幾水溢垣圮四十二年知州張嗣誠知縣

向萼輝仍遷城內即今地崇禎間教諭鄧京里人  
史大典增建明末燬於兵

國朝順治六年諸生史象先捐修康熙四年知縣李景  
燦復建戟門櫺星門後知縣張顧行茅成鳳繼修  
雍正六年知縣衛廷樸重修

### 六安州

六安州儒學在州治東北始建於元大德初至元  
間知州王大有成之明洪武三年知州薛敬重建

王成繼之規制乃備後知州陸瑜游壁何勝包洪  
益金山李袞相繼增修嘉靖初知府徐璿更新之  
嘉靖十年制增啟聖祠建敬一亭貯六箴碑縣如  
之後知州邵德久同知鄧向榮修明倫堂歐陽德  
開泮池唐可封建門外石坊萬厯間知州楊際會  
李懋檜同知劉垓先後修治明季燬於兵

國朝順治三年安廬道趙振業捐俸屬學正涂廷楹加  
葺

文廟及明倫堂康熙三年學正劉炎建啟聖祠二十  
一年知州陳恭捐俸重建兩廡學正孫謙訓導光  
宏賁募建學門官舍三十年學正朱廷容倡修邑  
人魏世忠董其事四十九年重修

大成殿明倫堂雍正八年學正吳雲珖重修兩廡

崇聖祠 名宦祠 鄉賢祠

各縣  
學同

英山縣儒學在縣治西北元至元間縣尹段朝立  
創建後燬於兵明洪武初知縣朱陵重建九年隋

斌踵成之宣德末知縣賀完重修嘉靖八年葉邦榮遷學於縣治東三十四年李鳳復遷於西隆慶間知縣葉世行教諭漆星增葺天啟三年知縣楊世祿改遷於北門外後署縣事丁立表又改建北城內

國朝康熙十一年知縣陳震先李澍修葺二十三年知縣劉五瓏教諭周璠訓導甯擢建東西兩廡櫺星門四十年知縣林弼教諭吳之騷改遷於北門雞

鳴山以舊學宮為文昌祠

霍山縣儒學在縣治東明弘治八年知縣崔中始立學吳霖相繼營建正德時知縣王坊重加規畫嘉靖十三年知縣歐紹說州判林應麒重修萬曆十六年知縣陳維翰遷於河北三十九年知縣黃守經復遷於舊址明季燬

國朝順治十年知縣藥元魁重建廟堂樓閣廊廡門坊俱備泮水名躍龍池濬學西城河二百餘丈以通

水脈雍正七年知縣徐天德重修

泗州

泗州儒學舊在州治西元至治中州守李守中因  
舊址勅建明永樂中重修成化十七年知州言芳  
改建知州婁鑑踵成之正德末知州汪應軫大增  
修葺嘉靖十年制增啟聖祠建敬一亭貯六箴碑  
縣如之萬曆二十二年賴道李驥千捐修殿廡齋  
祠墀廊門牆構造一新



國朝順治六年大水學宮半圮十一年尊經閣災康熙  
十一年雷震櫺星門十八年又水二十二年知州  
莫之翰始擇州城外堤上改建新學泗堤前後皆  
培土築之二十四年州城湮於水寄治盱眙縣令  
學宮在縣龜山之麓

崇聖祠

名宦祠

鄉賢祠

各縣  
學祠

天長縣儒學舊在縣治東元季兵燬明洪武四年  
縣丞嚴植建於縣前十五年知縣劉道源遷於縣

城東隅正統後知縣周安王哲鄭仁憲教諭吾翁  
知縣胡大有邵時敏楊子龍先後修葺萬厯二十  
四年知縣徐文光遷於南倉三十年教諭陳以姬  
善形象言復遷於故地崇禎初漸傾圮知縣臧太  
初教諭鄺昭重建明倫堂修

大成殿及兩廡

國朝康熙三年知縣江映鯤教諭張希哲訓導呂光盛  
重修五十二年知縣潘兆遴重修

盱眙縣儒學宋時在縣治西後因兵廢元泰定間徙縣治於山城學徙於玻璃門明洪武三年仍舊址重建嘉靖萬厯間修葺

國朝康熙二年知縣李時茂修之十六年教諭馬士芳重修二十四年知縣胡應麟建尊經閣移築泮池四十八年署縣事胡隆署學事方世宏重修

大成殿六十一年教諭韓履曾訓導吳鳳翔重修

崇聖祠及兩廡

五河縣儒學舊在縣治東元至大間徙縣治西北  
明洪武三年修建嘉靖間河溢傾圮十五年知縣  
蕭文明遷於澮河北天啟七年知縣陳善學又遷  
於澮濱崇禎十六年知縣王師保又遷於城西鳴  
鳳岡建文峯塔

國朝康熙十一年知縣李雲景重修建明倫堂尊經閣  
江南通志卷八十九